



Broj: 03-03-05-7850/15
Sarajevo, 30.10.2015.godine

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Sindikat radnika u zdravstvu u Kantonu Sarajevo", Ministarstvo pravde i uprave d o n o s i

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo **Udruženje "Sindikat radnika u zdravstvu u Kantonu Sarajevo"**, skraćeni naziv je **Sindikat zdravstva Kantona Sarajevo**, sa sjedištem u Sarajevu, ulica OBALA KULINA BANA broj 1.

2. Upis je izvršen pod registarskim brojem 2069. knjiga V registra udruženja, dana 30.10.2015.godine.

3. Programski ciljevi i zadaci Udruženja su: izgradnja jedinstvene strategije za kolektivno pregovaranje, potpisivanje i dosljednu primjenu Granskog kolektivnog ugovora; zaštita utvrđenih kolektivnih prava u Općem i Granskom kolektivnom ugovoru; zalaganje za očuvanje realnog standarda zaposlenih; primjenu zakonske regulative kojom se obezbjeđuje ekonomska i socijalna zaštita i sigurnost članstva; poboljšanje uslova rada članstva; pružanje pravne pomoći, te zaštitu sindikalnog članstva; veće učlanjenje i obrazovanje mlađih u aktivnostima sindikata; aktivnosti na sprječavanju umanjenja prava zaposlenika u slučaju izmjena Zakona o radu; zakonito provođenje procesa privatizacije na transparentan i pravičan način; očuvanje postojećih radnih mjesta te jačanje zapošljavanja; pomoći privredi kako bi se ostvarili zacrtani ciljevi.

4. Osoba ovlaštena za zastupanje i predstavljanje je: Edo Selimić - predsjednik Udruženja.

Obrázloženje

Udruženje "Sindikat radnika u zdravstvu u Kantonu Sarajevo", dostavilo je dana 23.06.2015.godine zahtjev za upis u registar udruženja, koji se vodi kod ovog ministarstva.

Uz zahtjev za upis u registar udruženja (Obrazac br. 3) koji je dopunjeno 26.10.2015. godine, priložena je sva potrebna dokumentacija u skladu sa članom 28. Zakona o udruženjima i fondacijama i članom 5. stav 1. Pravilnika o načinu vođenja registra udruženja i fondacija i stranih međunarodnih nevladinih organizacija ("Službene novine Federacije BiH" broj 61/02) i to: Odluka o osnivanju Udruženja, Popis članova upravnog tijela (Obrazac br. 5), Podaci o osnivaču (Obrazac br. 4 i fotokopije ličnih karata osnivača), Odluka o zastupanju i predstavljanju Udruženja te Statut



Udruženja. Takođe je dostavljena saglasnost Ministarstva zdravstva Kantona Sarajevo broj:10-05-24540/15 od 16.10.2015. godine za unošenje riječi "u Kantonu Sarajevo" u naziv Udruženja "Sindikat radnika u zdravstvu u Kantonu Sarajevo".

Uvidom u priloženu dokumentaciju utvrđeno je da su ispunjeni svi zakonski uslovi za upis u registar navedenog udruženja, pa je zbog toga riješeno kao u dispozitivu Rješenja.

Rješenje se izdaje uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003.godine i uz naplatu takse sa članom 19. tarifni broj 36. Zakona o administrativnim taksama ("Službene novine Kantona Sarajevo", broj 30/01 -Prečišćeni tekst 22/02, 10/05 i 26/08) na žiro račun Kantona Sarajevo broj:3380002210019263.

Pouka o pravnom lijeku: Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja.

Tužba se podnosi u dva istovjetna primjerka, a uz istu se prilaže i ovo rješenje u orginalu ili prepisu.

M I N I S T A R
Enver Smajkan, dipl.pravnik

Dostaviti:

- 1.Udruženju;
- 2.Federalnom ministarstvu pravde;
- 3.Ministarstvu zdravstva Kantona Sarajevo;
- 4.Zbirci isprava;
- 5.JP NIO "Sl.List BiH";
- 6.Porezna uprava Federacije BiH

Porezni ured Sarajevo

Ul. Husrefa Redžića 4, Sarajevo;

7. Arhivi.

